

歷 禘 禘

代 禘

郊

答 祀

志 問 說



禘
祫
答
問

胡培眾
撰

中
華
書
局

藝海珠塵

經部禮類

金山 錢 熙輔 次丞 輯

吳江 陳 夢熊 獻青 輯

禘祫答問

胡培壘纂

培壘字載屏號竹邨穎溪人嘉慶庚辰進士歷戶部廣東司主事著有儀禮正

義燕巖考
研六室集

條目

第一問禘祫是一祭是二祭

第二問鄭氏注喪服小記及大傳以禘爲郊祀感生

帝靈威仰之說

第三問鄭氏注大司樂有天神地祇人鬼三大禘之說注祭法謂禘祭昊天于圜邱又與郊祭感生帝之說不合

第四問禘字義訓解不一

第五問禘祫大小之說

第六問禘祫三年五年及歲舉之說

第七問禘祫年分前三後二前二後三禘祫自相距各五年及三年祫五年禘各自計年之說

第八問禘祫時月

第九問陸氏趙氏禘不兼羣廟及孔鄭禘及毀廟之

說

第十問 祫不及毀廟與祫僅及毀廟之說

第十一問 王制祭統言夏禘而郊特牲祭義言春禘之說

第十二問 王制鄭注天子先祫而後時祭諸侯先時祭而後祫之說

第十三問 鄭注王制以祫爲大祫與公羊傳同

第十四問 夏殷有大禘有時禘周則何如

第十五問 近儒以中庸爲時禘之說

第十六問 諸侯亦有禘否

第十七問魯禘由來

第十八問春秋書禘書大事書有事書從祀諸義

第十九問後人以免喪之禘爲吉禘因分大禘時禘
詰禘爲三之說

第二十問鄭氏推魯禮喪畢禘祫之制以及周之說
第二十一問鄭氏齒頌箋說魯禮喪畢禘祫之制祫
前有禘與王制大宗伯注不合

第二十二問大夫士得行祫祭否

第二十三問鄭氏注禮記以大饗爲祫祭之說

第二十四問近儒論禘一從鄭說之非

嘉慶乙亥丙子間定陽與邑人胡紹勳胡紹煥葛良治章遇鴻張瑞符歛葉光苑同從吾師竹邨先生讀書微郡城南紫陽山房每課時藝外兼及詁經文以禘祫最爲禮家聚訟因舉所疑質之先生先生曰漢唐宋以來諸儒說禘祫者言人人殊今惟擇其于經有據者從之而已禮記大傳言禘其祖之所自出而公羊傳言祫合祭毀廟未毀廟之主則禘祫之爲二祭於經有證也祫祭止及毀廟而禘祭上及祖之所自出又大傳言禮不王不禘大夫士有大事省於其君于祫及其高祖祫之祭

大夫士亦得行之則禘之大於祫於經有證也仲尼燕居云嘗禘之禮所以仁昭穆也言昭穆而禘之爲祭宗廟明甚又曾子問云嘗禘郊社尊無二上中庸云明乎郊社之禮禘嘗之義觀孔子每以禘嘗與郊社對言則禘之非祭天地於經有證也公羊傳曰大祫者何合祭也而曾子問云當七廟五廟無虛主虛主者唯祫祭於祖爲無主耳以其主皆聚於大祖廟中行合食之禮則祫之爲合祭於經有證也周禮大宗伯以肆獻裸享先王以饋食享先生鄭注解肆獻裸爲祫饋食爲禘後儒互

易其說據論語云禘自既灌而往則肆獻裸之爲
禘於經有證也又大宗伯以祠春享先王以禴夏
享先王以嘗秋享先王以烝冬享先王而天保之
詩亦曰禴祠烝嘗不言禴禘烝嘗則周無時祭之
禘於經有證也春秋書魯禘多譏其僭禮觀禮運
載夫子之言曰魯之郊禘非禮也周公其衰矣則
諸侯之不得有禘於經有證也其他諸說可以類
推若云祭感生帝靈威仰及神州崑崙經安有是
哉先生治經一以博參經文爲主於注疏及後儒
之說無所偏執著作甚富多未梓行此上各條雖

一時函丈荅述之語而綜覈靡遺讀之可見禘祫大畧故謹錄爲一冊以公同好焉受業同邑胡定錫謹識

問禘祫先儒賈逵劉歆以爲一祭二名禮無差降而後鄭注大宗伯先鄭注司尊彝皆分爲一祭孰爲是歟

荅曰分禘祫爲二祭是也周禮祠禴嘗烝外別有肆獻裸饋食二禮則固不得合爲一矣禘之義詳於禮記大傳喪服小記祫之義詳於春秋公羊傳大傳曰禮不王不禘王者禘其祖之所自出以其祖配之所謂祖始祖

也王者立七廟祭始祖而下又推而上之以及於始祖
所自出故其祭爲特大而諸侯不得于焉爾雅曰禘大
祭也言宗廟之祭莫大於是也公羊傳曰大禘者何合
祭也毀廟之主陳於太祖未毀廟之主皆升合食於大
祖注自外來曰升蓋時祭各於其廟又不及毀廟禘則已毀未
毀廟之主皆聚食於太祖廟故其祭特取義於合王制注
合說文曰禘大合祭先祖親疏遠近是也大傳言禘其
祖之所自出而不及羣廟公羊傳言毀廟未毀廟而不
及其祖之所自出此其義之著於經而各異者也

問鄭氏注喪服小記及大傳俱以禘爲郊祀天謂祖

之所自出者感生帝靈威仰也今以爲宗廟之祭其義何据

荅曰喪服小記云王者禘其祖之所自出以其祖配之而立四廟大傳云王者禘其祖之所自出以其祖配之下又云諸侯及其大祖大夫士有大事省於其君于祫及其高祖知皆說宗廟之事與祭天無涉儀禮喪服傳云都邑之士則知尊禘矣大夫及學士則知尊祖矣諸侯及其大祖夫子及其始祖之所自出据其文由禘由祖由大祖推而至於始祖所自出明皆一本之親非指天帝審矣趙氏匡曰禘者帝王立始祖之廟猶謂未盡

其追遠尊先之義故又推尋始祖所自出之帝而追祀之以其祖配之者謂於始祖廟祭之便以始祖配祭也此說最是如周以稷爲始祖而嚳爲稷之所自出故周人禘嚳虞夏禘黃帝殷禘嚳亦然鄭注不可從

問鄭氏注大司樂有天神地祇人鬼三大禘之說

天神

則主北辰地祇則主崑崙人鬼則主后稷

注祭法謂禘祭昊天于圜邱又

與大傳郊祭感生帝之說不合金氏禮箋引國語禘郊之事則有全烝禘郊不過薦粢證之謂天地之祭亦名禘其說然否

荅曰祭法有虞氏禘黃帝有郊嚳祖顓頊而宗堯夏后

氏亦禘黃帝而郊鯀祖顓頊而宗禹殷人禘

國語作禘舜卒

昭曰舜當爲
魯字之誤也

而郊冥祖契而宗湯周人禘魯而郊稷祖

文王而宗武王此節禘郊祖宗皆論祭祖之事遠近隆殺有此四者于祀天無與鄭氏見祭法禘在郊上遂以禘爲郊之大者于是以禘爲冬至祀天圉邱以魯配之郊爲夏正祀感生帝于南郊以稷配之于大司樂注又立爲三禘之說謂天地之祭亦名禘其注喪服小記及大傳禘其祖之所自出皆云祀感生帝于郊夫禘一耳而分天地人爲三又于禘天之中分祭法之禘爲祀圉邱大傳之禘爲祀感生帝孝經曰郊祀后稷以配天言

如耳而於祭法則以爲郊於大傳又以爲禘紛紛輟輟莫可依據後儒趙氏匡楊氏復馬氏端臨俱辨之趙氏曰祭法所論禘郊祖宗謂六廟之外永世不絕者有四種耳非開祭祀也祫之所及最遠故先言之耳豈開圜耶哉若實圜耶五經之中何得無一字說出又云祖之所自出謂感生帝靈威仰也此何妖妄之甚楊氏曰大司樂冬至圜耶一章與禘祭絕不相關而注稱圜耶爲禘祭法禘祖宗三條分明說宗廟之祭惟郊一條謂郊祀以祖配天耳而注皆指爲祀天同歸于誤其病安在蓋讀祭法不熟而失之也夫祭法歷敘四代禘郊祖宗

之禮禘文皆在郊上蓋謂郊止于稷而禘上及乎嘗禘之所及者最遠故先言之耳馬氏曰禘其祖之所自出祖者后稷也祖之所自出者帝嚳也郊祀及稷而禘則上及嚳是宗廟之祀莫大于禘故祭法先禘于郊此皆足正鄭氏之誤禮箋引楚語郊禘不過兩粟烝嘗不過把握及天子禘郊之事必自射其牲諸侯祭廟之事必自射其牛謂禘郊與宗廟烝嘗對文明禘非宗廟之祭不知凡祭及始祖而止禘則更及始祖之上是祭之甚大且遠者莫如禘故其禮常與郊並而諸侯不得與焉

國語與烝嘗宗廟連文

諸侯無郊禘故云宗廟之事

是言其禮之等

差如此非以祭天與祭宗廟對言也王制祭天地之牛
角繭栗按郊特牲祭天用犢天子適諸侯諸侯膳亦用
犢則禘與郊同用繭栗之牲亦無不可經文或云郊禘
或云禘郊皆是舉祭之重大者而言不可緣是謂禘亦
祭天名也孔子曰嘗禘郊社尊無二上又曰郊社之義
所以仁鬼神嘗禘之禮所以仁昭穆又曰明乎郊社之
禮禘嘗之義觀孔子每以禘嘗與郊社對言則禘之非
祭天地不辨自明矣

問禘字義諸儒訓解不一爾雅云禘大祭也鄭注云
凡大祭曰禘漢張純云禘之言諦賈逵云禘者遞也